

FOTO: U spektakularnoj atmosferi u Sarajevu 50.000 navijača priredilo doček za šampione

18/08/2015 11:57 by Administrator

Građani su večeras ispred Vječne vatre u Sarajevu dočekali bosanskohercegovačke košarkaše i zajedno s njima proslavili titulu prvaka Evrope u kadetskoj konkurenciji koju su osvojili u nedjelju u Litvaniji.

FOTO OVDJE:

Nekoliko hiljada građana Sarajeva i drugih bh. gradova u Titovoj ulici razdragano je pozdravljalo "zlatne" bh. košarkaše koji su se u otvorenom autobusu dovezli od zgrade Međunarodnog aerodroma Sarajevo do Vječne vatre gdje je njima u čast upriličen veličanstven doček.

Amel Ćurić otpjevao je pjesmu "A to nas ima maćala", izvedena je i navijačka himna, uslijedilo je predstavljanje igrača, a za bh. prvake pjevao je i Halid Bešlić. Igrači su izrazili zahvalnost navijačima za podršku koja je znatno doprinijela njihovom uspjehu ali i za doček koji im je upriličen po povratku u Sarajevo.

Avion u kojem su bili bh. kadeti sletio je oko 20 sati na Međunarodni aerodrom Sarajevo gdje su ih također dočekali razdragani navijači.

Kadetska košarkaška reprezentacija Bosne i Hercegovine osvojila je u nedjelju naslov prvaka Evrope. Mladi bh. košarkaši pobijedili su u Kaunasu selekciju domaćina - Litvanije sa 85:83, u finalu evropskog prvenstva za igrače do 16 godina, i tako ostvariti tu značajnu pobjedu. Ova generacija bh. košarkaša naredne godine nastupit će na svjetskom prvenstvu za igrače do 17 godina.

Izvor vijesti: Vijesti.ba